

**Javna ustanova "Fond Memorijala Kantona Sarajevo"**, sa sjedištem u Sarajevu, ul. Širokac 22, Općina Stari Grad Sarajevo, koju zastupa direktor Doc. dr. Kulanić Ahmed (**u daljem tekstu: Ugovorni organ**)

i

**Obrtnička djelatnost – "BIHART" vl. Krkalić Samir**, sa sjedištem u Ilidža – Sarajevo, ul. Vlakovo br. 15, ID broj: 4303526960006, koga zastupa vlasnik Krkalić Samir (**u daljem tekstu: Dobavljač**)

Zajednički naziv za Ugovornog organa i Dobavljača je **UGOVORNE STRANE**.

zaključili su u Sarajevu, dana 15.11.2022.godine

## **U G O V O R** **o izvođenju radova**

### **PREDMET UGOVORA**

#### **Član 1.**

Predmet ovog ugovora je izvođenje radova na Sanaciji prostorija i drugih sadržavaja unutar svih objekata koji su u nadležnosti JU Fonda Memorijala KS – Sanacija i vizuelno oblikovanje bine u Multimedijalnoj Sali MMC Kovači.

Radovi se izvode prema usvojenom predmjeru i predračunu sa jediničnim cijenama koji je sastavni dio ovog Ugovora.

### **VRIJEDNOST UGOVORA**

#### **Član 2.**

Ugovorne strane su saglasne da vrijednost Ugovora iznosi

**1.128,30KM**

**(slovima: hiljadstotinudvadesetosam i 30/100KM)**

Dobavljač nije PDV- obveznik u skladu sa pozitivnim zakonskim propisima.

### **NAČIN PLAĆANJA**

#### **Član 3.**

Ugovorni organ se obavezuje da će isplatiti ugovorenu cijenu nakon izvršenja predmeta ugovora i internog tehničkog prijema, a u zakonskom roku od 15 /petnaest/ dana od datuma prijema ovjerene fakture u Fond Memorijala.

### **ROK**

#### **Član 4.**

Rok za izvođenje radova koji su predmet ovog Ugovora je 10 (deset) dana od dana uvođenja u posao.

#### **Član 5.**

Ugovoreni rok se može produžiti samo:

1. u slučaju zakašnjenja uvođenja u posao, za onoliko dana koliko je trajalo to zakašnjenje,
2. u slučaju više sile, za onoliko dana koliko su trajali razlozi produženja izazvani tom silom.

#### **Član 6.**

U slučaju kašnjenja u izvođenju radova, do kojeg je došlo krivicom Dobavljača, isti će platiti ugovornu kaznu, u skladu sa Zakonom o obligacionim odnosima u iznosu od 1% vrijednosti ugovora, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova, koji su predmet ugovora.

Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Dobavljač nije mogao uticati niti ih predvidjeti.

## **MJESTO IZVOĐENJA RADOVA**

### **Član 7.**

Ugovorne strane su saglasne da je mjesto izvođenja radova: Multimedijalna Sala Fonda Memorijala.

## **NADZORNI ORGAN**

### **Član 8.**

Za vršenje cjelokupnog nadzora nad izvođenjem ugovorenih radova Ugovorni organ ovlašćuje Tehničku komisiju Ugovornog organa.

## **OBAVEZE DOBAVLJAČA**

### **Član 9.**

Pored obaveza predviđenih postojećim građevinskim propisima za predmetnu vrstu radova, Dobavljač je posebno dužan:

1. da prilikom izvođenja radova preduzme sve mjere da ne nanosi štetu susjednim objektima, saobraćaju i trećim licima. Sve štete koje izvođenjem radova prouzrokuje trećim licima snosi isključivo Dobavljač;
2. da o svome trošku otkloni sve nedostatke na radovima koji su nastali njegovom krivicom;
3. da na zahtjev Nadzornog organa ukloni sa gradilišta nekvalitetan materijal;
4. da po završetku radova, ukloni sve pomoćne objekte koje je koristio za potrebe izvođenja radova i uredi i očisti prostor od otpadaka i drugog neupotrebljenog materijala;
5. da na gradilištu obezbijedi mjere zaštite na radu zaposlenih radnika kako svojih tako i eventualnih kooperanata,
6. da održava izvedene radove do pripmopredaje istih.

### **Član 10.**

Dobavljač je obavezan da za svo vrijeme izvođenja radova uredno vodi građevinski dnevnik. Potrebne podatke za građevinsku knjigu utvrđuje zajednički Nadzorni organ i predstavnik Dobavljača, a unosi ih stručno lice Dobavljača po uputstvima Nadzornog organa.

## **PRELAZNE I ZAVRŠNE ODREDBE**

### **Član 11.**

Dobavljač radova odgovara za solidnost i kvalitet izvedenih radova za vrijeme od 2 (dvije) godine, računajući od dana završetka radova. Unutar ovoga roka Dobavljač je obavezan da o svom trošku na pismeni zahtjev Ugovornog organa, otkloni sve nedostatke koji bi se pojavili na izvedenim radovima usljed nesolidnog izvođenja ili upotrebe nekvalitetnog materijala.

Ukoliko se Dobavljač ne odazove na poziv Ugovornog organa za otklanjanje nedostataka, Ugovorni organ ima pravo angažovati drugog dobavljača o trošku Dobavljača .

### **Član 12.**

O izvršenim radovima sačinjava se zapisnik koji ovjerava ovlašteni predstavnik Dobavljača, Ugovornog organa i Nadzornog organa. Zapisnik o izvršenim radovima, predstavlja dokument na temelju kojeg se vrši situiranje izvršenih radova.

### **Član 13.**

Na odnose između ugovornih strana koji nisu regulisani ovim ugovorom primjenjuju se odgovarajuće odredbe Zakona o obligacionim odnosima i Posebni Uzansi o građenju.

### **Član 14.**

Sve eventualne sporove u vezi sa izvršenjem ovog Ugovora ugovorne strane će rješavati sporazumno.

**Član 15.**

U slučaju da ugovorne strane ne uspiju riješiti nastali spor, za rješavanje spora stvarno i mjesno nadležan je sud u Sarajevu.

**Član 16.**


Ugovor stupa na snagu danom obostranog ovjeravanja i potpisivanja od strane ovlaštenih zasupnika ugovorenih strana.

**Član 17.**

Ugovorne strane saglasno izjavljuju da su ugovor pročitale, razumjele i da ugovorene odredbe u svemu predstavljaju izraz njihove stvarne volje.

**Član 18.**

Ugovor je sačinjen u 4 (četiri) istovjetna primjeraka, od kojih Dobavljaču pripadaju 2 (dva) primjerka, Ugovornom organu 1 (jedan) primjerak i 1 (jedan) primjerak Nadzornom organu.



Broj:  
Sarajevo,

